

# Najbolji zikr i vrijednost zikra

mr. JAKUB ALAGIĆ

DELIL AKIDA

## Sadržaj

---

Definicija zikra.....	2
Najbolji zikr .....	2
Posebne vrijednosti određenog zikra .....	3
Uopštena vrijednost zikra .....	4
1.    Zikr je najbolje dobro djelo .....	4
2.    Allah spominje osobu koja Njega spominje .....	5
3.    Rezultat zikra je Allahov oprost i velika nagrada, te praštanje grijeha .....	5
4.    Oni koji čine zikr su najbolji ljudi, i oni su živi u pravom smislu te riječi .....	6
5.    Rezultat zikra je smireno srce, i on je lijek za prsa .....	6
6.    Zikrom se tjera šeđtan i spašava od njega .....	7
Kako se čini zikr? .....	7
Neke greške u načinu zikra kod pojedinih naših muslimana .....	7



---

Esselamu alejkum.

Koji je najbolji zikr, negdje sam čula da je najbolji zikr la ilahе illellah, a neki kažu da je učenje Kur'ana najbolji zikr. I koje su vrijednosti zikra. Molim vas da mi pojasnite to pitanje.

Odgovor: Bismillahir-rahmanir-rahim

## Definicija zikra

Zikr je iznošenje pohvale Allahu posebnim izrazima ili učenjem Kur'ana.

Pod njim se podrazumijevaju i sva djela srca i čitavog tijela koja Allah voli i sa kojima je zadovoljan.<sup>1</sup>

## Najbolji zikr

Kur'an je općenito, najbolji, najvredniji i najveličanstveniji vid zikra, a posle njega dolaze riječi la ilahе illellah.

To je iz razloga što je Kur'an Allahov govor, a Allahov govor ima prednost u odnosu na govor ljudi, pa makar se radilo i o govoru najčasnjeg bića. Ibn Kajim veli:

*Vrijednost Kur'ana nad drugim govorom je kao Allahova vrijednost nad Njegovim stvorenjima.<sup>2</sup>*

Islamski učenjaci pojasnili su da je Kur'an najbolji način zikra, tj. spominjanja Allaha, jer obuhvata i sadrži sve vidove zikra poput:

- Tahlila (la ilahе illellah)
- Tekbira (veličanje Allaha)
- Tahmida (zahvaljivanje)
- Tesbiha (iskazivanje savršenosti Allaha)
- Temdžida (slavljenje)

zatim obuhvata i sadrži:

- Dovu
- Molbu
- Naredbu
- Strah
- Nadu
- Razmišljanje o Allahovim znamenjima

---

<sup>1</sup> Pogledati: El-Futuhatur-rabbaniyyeh alal-ezkarin-nevavijeh, 1/18; Fethul- Bari, 11/209

<sup>2</sup> El-Vabilus-sajjib, str. 125

- I sve drugo što je propisano

A najbolji zikr nakon Kur'ana su riječi:

*Subhanallah, vel-hamdu lillah, va la ilahe illellahu vallahu ekber.*

Poslanik ﷺ veli:

*Da kažem: subhanallah, vel-hamdu lillah, va la ilahe illellahu vallahu ekber, draže mi je od svega što sunce obasjava.<sup>3</sup>*

Ovaj hadis ukazuje da je spomenuti zikr bolji od ostalih prenesenih zikrova, a najbolji zikr od ove četiri spomenute rečenice, je **la ilahe illellah**, kao što se navodi u hadisu:

*'Najbolji zikr je la ilahe illellah.<sup>4</sup>*

*- jer su to riječi kojima se izražava iskrenost i ni jedno djelo neće biti primljeno bez njih.*

Nakon njih, po vrijednosti su riječi **subhanellahi ve bi hamdihi**.

A nakon toga su riječi zahvalnosti **elhamdulillah**.

Poslije njih su riječi **Allahu ekber**, kojima se počinje namaz i čini ruku' i sedžda.<sup>5</sup>

## Posebne vrijednosti određenog zikra

Mus'ab b. Sad prenosi od svog oca:

*Bilo smo kod Poslanika ﷺ pa je on kazao:*

*'Zar niste u mogućnosti da svaki dan zaradite hiljadu sevapa?'*

*Neko je upitao:*

*'Kako da zaradimo hiljadu sevapa?'*

*On reče:*

*'Tako što stotinu puta kažete subhanallah (neka je slavljen Allah). Ko to kaže imaće hiljadu sevapa ili će mu se oprostiti hiljadu grijeha.'<sup>6</sup>*

Ebu Hurejre, radijallahu anhu, prenosi da je Allahov Poslanik ﷺ rekao:

*Ko ujutro i navečer prouči stotinu puta:*

*Subhanallahi ve bi hamdihi / Neka je slavljen i uzvišen Allah,*

<sup>3</sup> Bilježi ga Muslim, br. 32, str. 1165

<sup>4</sup> Hadis bilježi Tirmizi br. 3383. str. 768

<sup>5</sup> Pogledati: El-Adabuš-šer'iijeh, 2/78

<sup>6</sup> Bilježi ga Muslim, br. 37, str. 1165

*niko na Sudnjem danu neće imati bolje djelo od njega, osim onoga ko isto prouči, ili još više puta.<sup>7</sup>*

Od Ebu Musaa, radijallahu anhu, prenosi se da je rekao:

*Allahov Poslanik ﷺ mi je rekao:  
'La havle ve la kuvvete illa billahi! / Nema snage ni moći bez Allah!  
– jedno je od dženetskih blaga.'<sup>8</sup>*

Prenesen je i hadis o vrijednosti zikra koji je nazvan prvakom svih istigfara (sejjidul-istigfar), to je zikr koji se uči svaki dan prije izlaska i posle zalaska sunca.

Vrijednost zikra nije vezana samo za slavljenje, hvaljenje Allah-a, te iskazivanje Njegove jednoče riječima la ilah illelah i Njegovo veličanje, nego se ona odnosi na svakog ko traži oprost, razmišlja o Allahovojoj veličini i uzvišenosti, radi u ime Allah-a dobra djela i pokorava Mu se.

## Uopštена vrijednost zikra

Velike su i mnogobrojne vrijednosti zikra od kojih musliman ima korist i na ovome i na Budućem svijetu. Na osnovu kur'ansko-hadiskih dokaza, spomenuću neke od njih:

### 1. Zikr je najbolje dobro djelo

Zikr je najbolje dobro djelo i najvredniji vid pokornosti, jer cilj svih ibadeta jeste spominjanje Allah-a Uzvišeni Allah veli:

*Obavljanje zikra je najveća poslušnost!<sup>9</sup>*

Tome u prilog ide predaja u kojoj Ebu Derda', radijallahu anhu, veli:

*Allahov Poslanik ﷺ rekao je:  
'Hoćete li da vas obavijestim o najboljim djelima koja su najodabranija kod vašeg Gospodara i na najvišem stepenu, koja su vam bolja od udjeljivanja zlata i srebra, i bolja od sukoba s neprijateljem u kome biste vi ubijali njih a i oni vas?'  
'Svakako!' – odgovoriše oni.  
On reče: 'Spominjanje (zikir) Allah-a.'<sup>10</sup>*

<sup>7</sup> Bilježi ga Muslim, br. 29, str. 1164

<sup>8</sup> Bilježi ga Buhari, br. 6384, str. 1187, i Muslim, br. 44, str. 1167

<sup>9</sup> El-Ankebut, 45

<sup>1</sup> Bilježi ga Tirmizi, br. 3377, str. 767

## 2. Allah spominje osobu koja Njega spominje

Allah spominje osobu koja Njega spominje, te roba koji Mu čini zikr, Sebi približava i spominje ga kod onih (meleka) koji su kod Njega

Dakle, nagrada onome ko Allaha spominje je spominjanje njega od strane Allaha. Uzvišeni Allah kaže:

*Sjećajte se vi Mene, i Ja ču se vas sjetiti.*<sup>1</sup>

I

U hadisi-kudsiju se od Ebu Hurejrea, radijallahu anhu, prenosi da je Vjerovjesnik ﷺ rekao:

*Uzvišeni Allah kaže:*

*'Ja sam u stanju učiniti Svome robu ono što o Meni misli, i s njim sam kad Me spomene.*

*Ako on Mene spomene u sebi, i Ja njega spomenem u Sebi; a ako Me on spomene u nekoj skupini, Ja njega spomenem u skupini boljog od te.*

*Ako se on Meni približi za jedan pedalj, Ja se njemu približim za jedan lakat;*

*a ako se on Meni približi za jedan lakat, Ja se njemu približim za jedan rukohvat.*

*Ako on Meni ide običnim hodom, Ja njemu idem žurno.'*<sup>2</sup>

2

Zikr, dakle, čovjeka približava Allahu i podiže mu položaj kod Njega, shodno količini tog zikra i sve što rob više spominje Allaha, sve Mu je bliži i kod Njega je na višem položaju.

## 3. Rezultat zikra je Allahov oprost i velika nagrada, te praštanje grijeha

Uzvišeni Allah kaže:

*...i muškarcima koji često spominju Allaha i ženama koje često spominju Allaha – Allah je, doista, za sve njih oprost i veliku nagradu pripremio.*<sup>1</sup>

3

Ibn Kajim kaže:

---

<sup>1</sup> El-Bekare, 152

1

<sup>1</sup> Bilježi ga Buhari, br. 7405, str. 1364, i Muslim, br. 1, str. 1159

<sup>1</sup> El-Ahzab, 35

*Meleki traže oprosta za onoga ko čini zikr i taj zikr bude brana između njega i Džehennema.<sup>1</sup>*

<sup>4</sup>

#### **4. Oni koji čine zikr su najbolji ljudi, i oni su živi u pravom smislu te riječi**

Ebu Musa el-Eš'ari, radijallahu anhu, prenosi od Vjerovjesnika ﷺ da je rekao:

*Primjer onoga koji zikir čini (spominje svoga Gospodara) i onoga koji Ga ne spominje je kao primjer živog i mrtvog.<sup>1</sup>*

<sup>5</sup>

Prenio ga je i Muslim u verziji:

*Primjer kuće u kojoj se Allahu zikir čini i kuće u kojoj se Allah ne spominje je kao primjer živog i mrtvog.<sup>1</sup>*

<sup>6</sup>

Ibnul-Kajjim veli:

*Onaj ko čini zikr poput je onoga ko je živ, dok je onaj nemarni poput mrtvaca.*

*Ova dva izraza ukazuju da je srce koje čini zikr poput živog čovjeka u kući živih, a da je nemarno srce poput mrtvaca u kući umrljih.<sup>1</sup>*

<sup>7</sup>

#### **5. Rezultat zikra je smireno srce, i on je lijek za prsa**

Ovo je veoma važno, jer putem te smirenosti čovjek ostvaruje sreću i radost. Uzvišeni Allah veli:

*...a srca se, doista, kad se Allah spomene smiruju!<sup>1</sup>*

<sup>8</sup>

Ibnul-Kajjim, govoreći o zikru, kaže:

*On u srce unosi sreću i radost.*

Na drugom mjestu veli:

*U zikru (spominjanju Allaha) i šukru (zahvalnosti Njemu) sadržana je sva sreća i uspjeh.<sup>1</sup>*

<sup>9</sup>

---

<sup>1</sup> El-Vabilus-sajjib, str. 110 <sup>4</sup>

<sup>1</sup> Bilježi ga Buhari, br. 6407, str. 1591, i Muslim, br. 211, str. 315

<sup>1</sup> Bilježi ga Muslim, br. 211, str. 315

<sup>1</sup> Medaridžus-salikin, 3/269 <sup>7</sup>

<sup>1</sup> Er-Ra'd, 28 <sup>8</sup>

<sup>1</sup> El-Vabilus-sajjib, str. 66 i 98 <sup>9</sup>

## 6. Zikrom se tjera šejtan i spašava od njega

Rob se ničim ne može zaštiti od šejtana, osim zikrom. U hadisu stoji:

*Čovjek se od šejtana može zaštititi samo spominjanjem  
Allaha.<sup>2</sup>* 0

Ibn Abbas veli:

*Šejtan čuči (i vreba) na ljudskom srcu i ako čovjek zaboravi i postane nemaran od sjećanja na Allaha, šejtan mu nanosi zle misli, a kad se sjeti (i spomene) Allaha, on se sakrije.<sup>2</sup>* 1

## Kako se čini zikr?

Zikr može biti jezikom, a može biti i srcem, zikr se čini pojedinačno, polahko i bez podizanja tona.

Najbolji zikr (kako kaže ibn Kajim u El-vabilus-sajjib, str. 122.) je:

1. Zikr koji se izgovara jezikom (riječima), a srce ga prati
2. Drugi stepen zikra jeste zikr samo srcem
3. Treći stepen je zikr samo jezikom

Zikr srcem ima dvije vrste:

1. Razmišljanje o veličini i uzvišenosti Allaha, Njegovom carstvu (Njegovoj vlasti), znamenjima na nebesima i na Zemlji
2. Zikr srcem prilikom naredbi i zabrana, na način da se čine naredbe, a ostave zabrane, te da se stane i razmisli kod nečega što je problematično i sporno.

Što se tiče zikra samo jezikom, on je najslabiji vid zikra, ali i on je veoma vrijedan, kao što na to ukazuju predaje.<sup>2</sup> 2

## Neke greške u načinu zikra kod pojedinih naših muslimana

1. *Spominjanje Allahovih imenima pojedinačno, određeni broj puta, s određenim ciljem*

Primjer tome: Ime Er-Rahman (Svemilosni) uči se 298 puta za dobro pamćenje i zaposlenje. Za svako Allahovo ime određen je sličan zikr.

---

<sup>2</sup> Bilježi ga Tirmizi, br. 2863, str. 640

<sup>2</sup> Bilježi ga Ibn Ebi Šejbe, 7/135 1

<sup>2</sup> Pogledati: Šerhun-nevevi li Sahħħi Muslim, 17/15

## *2. Činjenje zikra zajednički i glasno*

Primjer tome:

1. Zajednički zikr nakon namaza s podignutim tonom
2. Zikr prilikom održavanja tevhida
3. Zikr putem tespiha koji ima 1000 bobaka, a koji kruži unutar halke. Jedan iz halke izgovori određeni zikr, a ostali to ponavljaju na tespih

## *3. Sufijski zikrovi*

Primjer tome:

- La iilahe illellah, 100, 300, 500 puta
- Illellah, 100 puta
- La ilahe illellah Muhammedun resulullah, 1 put
- Allah 160 puta
- Allah dželle dželaluhu ve la ilahe illa Hu Hu Hu Hu 100 puta
- Huvallahul-hakk, hakk, hakk, hakk, 108 puta
- Huvallahul-hakkul-hajj, hajj hajj hajj, 118 puta
- Huvallahul-hakkul-hajjul-kajjum, kajjum, kajjum, kajjum, 166 puta
- Ja latifu, ja latifu, ja latifu, 129 puta
- Ja kahharu, ja kahharu, ja kahharu, 106 puta
- Ja vəhhabu, ja vəhhabu, ja vəhhabu, 14 puta.

***Molim Allaha subhanahu ve teala da nas učini od onih koji ga puno spominju (zikr čine), i da bude s nama zadovoljan i na ovome i na budućem svijetu.***